

LA PUNT



Infuormaziuns da la corporaziun evangelica Ardez - Ftan - Guarda



NOVEMBER, DECEMBER 2024 e SCHNER 2025



Viadi da senioras e seniors, ils 12 da settember 2024

Malgrà temperaturas bassas ed ün tschêl surtrat vaina passantà ün fich bel di a Bravuogn.



Davo üna guida fich interessanta tras il cumün, e la visita da la tuor romana, eschan gnüts retschevüts da la ravenda, duonna *Noa Zenger*, illa baselgia. Ella ans ha raquintà davart l'istorgia da quist stabilimaint e no vain pudü admirar ils frescos süllas paraids ed il tschêlsura decorà cun intagls. Davo l'urazchun da mezdi vaina giodü ün bun giantar i'l

hotel istoric «Hotel Kurhaus». Il davomezdi es amo statta la visita dal museum da trens sül program.

No vain giodü ün bel di da cumpagnia, cun bliers inscunters e chi restarà in buna memoria. Grazcha fich a *Nataglia Blanke-Clagluna* per l'organsaziun da nos viadi, ed a *Pol Clo Nicolay* per la guida tras Bravuogn!



Text + Foto: Marianne Strub



PRO MEMORIA:

Radunanza da preventiv

mardi, ils 29 d'october a las 20.00 a Guarda

La radunanza da preventiv da la corporaziun evangelica Ardez-Ftan-Guarda ha lö in mardi, ils 29 d'october a las 20.00 in chasa da scoula a Guarda.

L'invid e las tractandas as rechattan sül "Plan da predgias da november'24 fin schner '25"



"Täglich mit Gott" per l'on 2025



Ün bun pled per mincha di – Il chalender cuntegna üna cuorta meditaziun sur d'ün text biblic sco eir ün text litterar per mincha di. Postaziuns as poja jent far fin venderdi, **22 da november** pro'l secretariat

secretariat.pravenda@bluewin.ch o pro la ravenda Marianne Strub, 081 862 23 61.

Predsch: chalender frs 25.- e cudeschin frs 29.50

Occurrenz e progets:

La Predgina

A partir da **dumengia, ils 27 d'october** cumainza darcheu la predgina.

L'inscunter es adüna illa **biblioteca d'Ardez da las 10.00 a las 11.00.**

Infuormaziuns detagliadas daja pro las manadras:

Annina Mengiardi, 081 862 24 50 e Cilgia Koller, 079 266 90 37

Ulteriuras occurrenz a regard noss progets vegnan publicadas sün nossa pagina d'internet e sün placats.



Il Sainin



Ils venderdis, **1. da november e 17 da schner 2025** - tanter las **9.30 e las 11.00**

- ha lö il Sainin illa sala cumünala ad Ardez. Tuot ils uffants tanter 0 e 5 ons -

accompagnats dad ün creschü – sun cordialmaing invidats da gnir a tadar

ün'istorgia biblica, da chantar, da giovar e da star da cumpagnia. Per ulteriuras

infuormaziuns as poja contactar a rav. Marianne Strub, 081 862 23 61

Cult divin cun preschantaziun da nos proget annual

In **dumengia, ils 3 da november**, das-chaina bivgnantar a duonna rav. Alexandra Flury-Schölch da Mission 21 in noss cults divins a Guarda ed Ardez.

Ella preschainta ils progets partenaris da Mission 21 ed eir il proget cha no sustgnain ingon. Quist proget sustegnan a pauras e pauras pitschens illas muntognas da Peru e Bolivia per chi imprendan ad ir intuorn culs müdamaints da clima e las consequenzas süll'agricultura per avair uschè daplü sgürezza da nudritüra.

A **Guarda** ha lö il cult divin **a las 10.00** ed ad **Ardez a las 11.10.**

Illä predgia a Ftan, chi ha lö a las 17.00 daja ün oter program.



Maisas da giantar per tuots e tuottas dad Ardez e Guarda



Las prosmas maisas da giantar han lö i'l hotel Alvetern ad Ardez:

- **mardi, ils 5 da november 2024**
- **mardi, ils 3 da december 2024**
- **mardi, ils 7 da schner 2025**

Annunzchas, fin il plü tard il di avant, piglia incunter Erna Fontana, 081 862 23 50.
Per giasts da Guarda vegn organisà il transport.

“Vainst eir tü...?” a chantar canons e corals d’advent

marcurdi, ils 4 / 11 / 18 da december adüna a las 17.00 illa baselgia refuormada d’Ardez

Cun Gianna Vital chantaina insembel corals e canons. Nos organist Flurin Vital suna l’orgel. Insembel giodaina il paschaivel temp d’advent... vè er tü - gnit eir vo!



Bös-chins da las scoulas



Las infuormaziuns a regard ils bös-chins vegnan comunicadas da las scoulas a temp ütil.

Il Bös-chin d’Ardez e Guarda ha lö in **marcurdi, ils 18 december a las 19.00 illa baselgia refuormada d’Ardez** ed in **venderdi, ils 20 december a las 17.00 aint il god a Ftan.**

“Chant avert” cun tuns e plets illa baselgia d’Ardez

dumengia, ils 22 da december 2024 a las 16.00

Cun melodias d’advent e plets meditatifs ans preparaina pel paschaivel temp da Nadal. Il chant maina Gianna Vital cun accumpognamaint da l’orgel sunà da Flurin Vital. La meditaziun dudina da nossa rav. Marianne Strub.



Chant tras il cumün da Ftan



lündeschdi, ils 23 da december a las 19.30, ingon cun partenza davent da la **chasa da scoula**. La populaziun es amiaivelmaing invidada da tour part al chant. P.pl. tour cun sai il coral.

Concert da Büman illa baselgia da Guarda

marcurdi, ils 1. da schner 2025 a las 17.00

Eir quist on invida “L’Ensemble Tamangur” ad ün concert cun suns e tuns d’instrumaints a corda per celebrar il Büman.

Infuormaziuns detagliadas as chatta suot www.ursinamariabraun.com



Bivgnaint da l'on nouv illa baselgia da Ftan



gövgia, ils 2 da schner 2025 a las 17.00

Cun üna meditaziun da rav. Marianne Strub e cun chant e musica laina beneventar cumünaivelmaing l'on nouv.

Casualias in noss cumüns:

Battaisems:

- Matys Max Manschott, 4.8.2024, baselgia da Ftan
- Gioia Specht, 4.8.2024, baselgia da Ftan
- Alejandro Monteiro Dos Santos, 25.8.2024, baselgia d'Ardez
- Laurin Jost, 1.9.2024, baselgia da Garsun
- Nevio Collenberg, 8.9.2024, baselgia da Ftan

Nozzas:

- Laurin e Desiree Caprez, 17.8.2024, baselgia da Ftan
- Stefan Schäppi e Brigitte Frehner, 6.9.2024, baselgia da Sur En

Mortoris:

- Jon Andri Tgetgel, 16.7.2024, Ardez
- Martina Clagluna-Viletta, 23.7.2024, Bos-cha
- Anna Chatrina Padrun, 11.8.2024, Guarda
- Jakob Ott, 14.8.2024, Ardez
- Giorgio Giovanni Bazzell, 14.9.2024, Cuaira ed Ardez
- Kurt Ernst, 3.10.2024, Ftan



Fingjà hoz giavüscha il consistori e la ravenda da la corporaziun evangelica Ardez-Ftan-Guarda a tuots e tuottas ün paschaivel temp d'advent ed ün bun on nouv plain sandà e cuntantezza!



Adressas:

Pravenda

Dna. rav. Marianne Strub
Chasa da pravenda, 7546 Ardez
081 862 23 61
marianne.strub@gr-ref.ch

Secretariat

Corporaziun evangelica Ardez-Ftan-Guarda
Secretariat, Arfusch 166, 7546 Ardez
081 860 34 10
secretariat.pravenda@bluewin.ch



www.ardez-reformiert.ch

